

Hingh'anh Doidoengh Hong Cauhlaeb Minzczuz Doxgiet Baenaj Byaij Laeg Byaij Maenh

Geij bi neix daeuj, Hingh'anh Yen genhciz aeu couqmaenh gij eijsik caezcaemh Cunghvaz Minzczuz guh sienqmeh, eu diuz fwen minzczuz doxgiet baenaj, doidoengh hong cau-hlaeb minzczuz doxgiet daengx yienh hwnj mbaeklae byaij laeg byaij maenh.

Hingh'anh genhciz aeu "aen ndeu" dazyinx, laebmaenh "daihbuenz giekdaej" minzczuz doxgiet baenaj. Genhciz aeu dangigen dazyinx, guh

nde aen giekdaej cwngei couqmaenh gij eijsik caezcaemh Cunghvaz Minzczuz. Aeu gij senhcinsing aen dangi caeuq fatyienz cingsaenz minzczuz doxgiet doxgap, hawj gij cingsaenz minzczuz doxgiet bienqbaenz gij rengz baenaj.

Hingh'anh dawzmaenh "song aen" doxgap, veh ndei "aen gien doengz-sim" minzczuz doxgiet baenaj. Doeng-gvaq caeuq canjnieb daegsaek doxgap,

laebmaenh giekdaej ginghci minzczuz doxgiet baenaj. Baengh "nungzcungh-gaij" caeuq hanghmoeg ranzsawq-niemh soqcih gyagiengz gij gisuz canjnieb ndaem makgam, coihaeuj canjnieb makgam cienjhingz hwnj-mbaek, saedyienh canjnieb fazcanj caeuq minzczuz doxgiet doxyungz, dox coihaeuj.

Hingh'anh saedguh "sam haeuj" hozdung, dajcauh "aen baiz guh-

yiengh" minzczuz doxgiet baenaj. Youq gihgvanh danhvei venj "caezcaemh doxgiet buekguh, caezcaemh mwn-hoengh hwngfat" daengj vahbiu, dajcauh heiqfaenh guhyienh cau-hlaeb minzczuz doxgiet baenaj. Yienh de haeujlaeg hagsib son'gyauq, guh daengz vunzvunz hag minzczuz cwngei-cwz.

(张超威/Cangh Cauhveih 包芸夕/Bauh Yinzsiz)

Yungzanh Banh Ciet Vwnzva Byaekfeih Gaeqmbin Coenghrenez Lajmbanj Saenqhwngh

8 nyied 3 hauh, Ciet Vwnzva Byaekfeih Gaeqmbin Yungzanh Daboh Gaiq Daihcaet youq Yungzanh Yen Daboh Yangh Mbanjgangveij banh. Ngoenzciet miz biujvienj vwnzyi cezmuq, doxdax gaeb gaeq, baijgai huqdoj caeuq gaeqdoj daengj hozdung, yienh'ok gij vwnzva byaekfeih gaeqdoj Daboh Yangh, hawj doengh aen giyez dajciengx, guh gaiqgwn, siugai ndaej doxgyau dox baedauq, coihaeuj ginghci deihsueng hwngfat, nungzminz souhaeuj engq lai, coenghrenez lajmbanj saenqhwngh.

(覃庆和/Cinz Ginghoz)



▲ Vunzlai doxdax gaeb gaeq.



▲ Mehmbwk Yauzczuz youq Vangzloz Mbanjyauz biujvienj diuq foux.

Lungzswng Coux Daeuj Gyaj-seizndat Seizhoengh Lijyouz

Laebdaeb geij ngoenz daeuj, Lungzswng Gak Cuz Swciyen Aen Diegbaeyouz Lungzciz Nazmbaeklae daengz gyajseizndat seizhoengh lijyouz. Gyoengq hekyouz cungj gyaez diuz sienqluh lijyouz yawj nazmbaeklae, minzsug, fwen foux

byoemraez biujvienj neix. Diegde ngoenznaengz ciuyinx geij cien boux hekyouz daeuj lijyouz ngonzyawj, gamjsouh gij daegsaek minzsug funghcingz diegde, yiengjsouh gij-nde ngoenzgyaj.

(潘志祥/Banh Cisiengz)

Fuconh: Ngoenz Ndathaenq Guh-hong Daiqdienh Bauj Yungh Dienh

8 nyied 3 hauh, Fuconh Yauzczuz Swciyen dienhlig bouh-monz youq Lensanh Cin cujciz guhhong daiqdienh cieq sienq, gemj noix seizhah ndathaenq dingz dienh, mbouj yingjyangj vunz

dangdieg swnghhoz caeuq giyez swnghcanj, mboujduenh daezsang naengzlig denvangj laebdaeb onjdingh gung dienh.

(黄旭胡/Vangz Yuzhuz)



▲ Bouxguhong youq gwnz gyaqdienhsienq cieq sienq.